

նրանք դուրս էին եկել թշնամաբար տրամադրւած հայկական շրջաններից, կարճացրել հաղորդակցութեան դիժը, վերակազմել իրենց բարձր հրամանատարութիւնը, ռազմաճակատ ուղարկել դործիչների ու ժողովրդական գւարդիայի նոր խմբեր, վրաց ժողովրդի ուշադրութիւնը լարել, ամբողջապէս կենտրոնացրել ճակատի վրա:

Ընդհակառակը, հայերի համար՝ երթալով՝ ստեղծուած էր աւելի աննպաստ վիճակ: Երկու շարաթ շարունակ առաջ շարժւող, կռիւներից դուրս չեկող, վատ հազնւած ու վատ պարենաւորւած զօրքը սաստիկ յոգնել էր, պահեստի մասերը սպառուել էին, իսկ նոր ոյժ գրեթէ չէր գալիս. կառավարութիւնը զբաղւած էր ուրիշ ոչ պակաս ծանր հոգսերով և պատերազմին բաւարար ուշադրութիւն չէր կարող դարձնել: Թիկունքից պարենաւորում ու ռազմամթերքներ չէին ստացւում. զօրքը կերակրւում էր վրացիներից առած հացով և կուռւմ վրացական ռազմամթերքով:

Դրութիւնը դժարացնում էր և մի ուրիշ հանգամանք. քանի կռիւները տեղի էին ունենում հայկական շրջաններում, լոռեցիները՝ գէնքը ձեռներին, մասնակցում էին պատերազմական գործողութիւններին՝ միշտ բանակի առաջին շարքերում: Հէնց որ ամբողջ Լոռին դրաււեց, և պատերազմը սկսեց տեղափոխուել հայկական շրջաններից դուրս, լոռեցիները, մեծ մասով, հեռացան իրենց տները, և կուռի դաշտում մնացին գլխաւորապէս կանոնաւոր զօրամասերը: Այս պարագան, ի հարկէ, վատ անդրադարձաւ և մնացած զինուորների հոգեկան վիճակի վրա: Հայկական բանակը աստիճանաբար փոքրանում էր, վրացիներինը, ընդհակառակը, աւելանում էր արագօրէն: Ուժերի համեմատութիւնը փոխուում էր ի նպաստ թշնամու:

Դեկտ. 27-ին վրացական առաջաւոր խմբերը երեւցին 2660 բարձունքի մօտ: Սարաչլուի կողմից, 3—400 վրացիներ աշխատում էին անցնել փոխ-գնդ. Կորոլկովի ձախ թևի թիկունքը: Շարժումներ սկսեցին և միւս ճակատներում, բայց գլխաւոր ուժերը Շուլաւերի շրջանում էին, ուր զօր. Մազնիևի զօրամասը — 3 ու կէս հազար մարդ ու 12 թնդանօթ — մեր դիրքերի թնդանօթային փոթորկայոյց ոմբակոծումից յետոյ, ժամը 5-ին անցաւ ուժեղ յարձակման Կորոլկովի ճակատի ամբողջ լայնութեամբ:

Հակառակ թշնամու ուժերի խիստ գերակշռութեան և մեր զօրքերի արտակարգ յոգնածութեան ու սակաւութեան, մի քանի օր անընդհատ մղւեցին կատաղի կռիւներ, և մերոնք մեծ կորուստներ պատճառելով՝ յետ էին մղում բոլոր գրոհները:

Միաժամանակ վրացիները, մօտ 1000 հոգով, հետները ունենալով և Բորչալուի թուրքերի կամաւորական խմբերը, Քասումլու և Ահմամադլու գիւղերի կողմից, յարձակւեցին մեր աջ թևի վրա, ուր գործում էր փոխ-գնդ. Իշխանեանը 6րդ գնդի 1 գումարտակով ու 2 գնդացիքով: Թէ Շուլաւերից և թէ այս կողմը, մեր զօրքերը, չստանալով ո՛չ մի օգնութիւն, թշնամու օր աւուր անող ուժերի ճնշման տակ, դիմեցին նահանջի մինչև Գեաւուր Արիս և Սիոն գիւղերը: Մեր կորուստներն էին այս կուռւմ. մօտ